

सृज्य नि॒दधाति प्रायश्चि॒त्तिभ्यः ॥ १॥ अथ य॒द्येष उ॒ख्योऽग्निरनु॒ग॒हेत् । गार्ह॒पत्यं  
वाव स॒ ग॒हति गार्ह॒पत्यादि स आ॒हुतो भ॒वति गार्ह॒पत्यादे॒वैनं प्रा॒ञ्चमु॒द्धृत्योप॒-  
समाधा॒योषां प्रवृ॒ज्यादे॒तयैवावृ॒तानु॒प॒हर॒न्यनु॒स्तू॒ष्णीमे॒व तां य॒दाग्निरा॒रो॒हति ॥ १०॥  
अथ प्रायश्चि॒त्ती करोति । स॒र्वेभ्यो वाऽए॒ष ए॒तं का॒मेभ्य आ॒धत्ते तद्य॒दे॒वास्यात्र  
का॒मानां व्यव॒ह्रिय॒तेऽग्राव॒नुग॒ते तदे॒वैतत्स॒ंतनोति सं॒दधा॒त्युभे प्रायश्चि॒त्ती करो॒-  
त्यध॒रप्रायश्चि॒त्तिं चा॒ग्निप्रायश्चि॒त्तिं चाध॒रस्य पूर्वा॒मथाग्ने॒स्तस्यो॒क्तो ब॒न्धुः ॥ ११॥ स  
समिधा॒ज्यस्योप॒हृत्य । आ॒सीन आ॒हुतिं जु॒होति वि॒श्वक॒र्मणे स्वा॒हेत्यथोपो॒त्थाय  
समि॒धमा॒दधाति पुन॒स्त्वादित्या॒ रुद्रा व॒सवः स॒मिन्ध॒तां पुन॒र्ब्र॒ह्माणो वसु॒नीथ य॒-  
ज्ञैरि॒त्येता॒स्त्वा दे॒वताः पुनः स॒मिन्ध॒तामि॒त्येत॒द्धृतेन त्वं त॒न्वं वर्ध॑यस्व स॒त्याः सन्तु  
य॒ज्ञमा॒नस्य का॒मा इति धृ॒तेना॒हु त्वं त॒न्वं वर्ध॑यस्व येभ्य उ॒ त्वां का॒मेभ्यो य॒ज्ञमा॒न  
आ॒धत्त तेऽस्य स॒र्वे स॒त्याः सन्वि॒त्येतत् ॥ १२॥ अथ यदि गार्ह॒पत्योऽनु॒ग॒हेत् ।  
अ॒र॒णी वाव स॒ ग॒हत्य॒र॒णिभ्या॑ ह॒ि स आ॒हुतो भ॒वत्य॒र॒णिभ्यामे॒वैनं म॒थि॒वोप॒-  
समाधा॒य प्रायश्चि॒त्ती करोति ॥ १३॥ अथ यदि प्र॒सुत आ॒हुव॒नीयोऽनु॒ग॒हेत् । गार्ह॒-  
प॒त्यं वाव स॒ ग॒हति गार्ह॒पत्यादि स आ॒हुतो भ॒वति गार्ह॒पत्यादे॒वैनं प्रा॒ञ्च॑ सां॒-  
काशि॒नेन॒ कृ॒वोप॒समाधा॒य प्रायश्चि॒त्ती करोति यस्त॒स्मिन्काले॒ऽध॒रः स्या॒त्तामध॒र॒-  
प्रायश्चि॒त्तिं कुर्या॒त्समा॒न्यग्नि॒प्रायश्चि॒त्तिः ॥ १४॥ अथ य॒द्याग्नी॒धीयोऽनु॒ग॒हेत् । गार्ह॒-  
प॒त्यं वाव स॒ ग॒हति गार्ह॒पत्यादि स आ॒हुतो भ॒वति गार्ह॒पत्यादे॒वैनं प्रा॒ञ्चमु॒त्त॒-  
रेण स॒दो कृ॒वोप॒समाधा॒य प्रायश्चि॒त्ती करोत्यथ यदि गार्ह॒पत्योऽनु॒ग॒हेत्तस्यो॒क्तो  
ब॒न्धुः ॥ १५॥ ब्रा॒ह्मणम् ॥ ६ [६.४.] ॥ चतु॒र्थः प्रपा॒ठकः ॥ कण्डिकासंख्या १०० ॥  
षष्ठोऽध्यायः [४१.] ॥ ॥

रु॒क्मं प्रति॒मुच्य॒ विभ॑र्ति । स॒त्यं ह॑ैत॒द्य॒दुक्कः स॒त्यं वाऽए॒तं य॒त्तुम॑र्हति स॒त्ये॒-  
नैतं दे॒वा अ॒विभ॑रुः स॒त्येनै॒वैनमे॒तद्वि॑भर्ति ॥ १॥ तद्य॒त्तत्स॒त्यम् । असौ स॒ आ॒दित्यः